

Qaammat decembarimi meeqqanut tapiissutinik pisartut

Kisitsisitigut paasissutissani matumani meeqqanut tapiissutinik pisartagalittut naatsorsorneqarput qaammat decembarimi inuup-normua malillugu tapiissuteqarfigineqarsimaneq nalunaarsorneqarsimappat. Meeqqanut tapiissutinik pisartagalik meeqqamut 18-it inorlugit ukiulimmut ataatsimut tapiissuteqarfigineqartarpoq.

Takussutissiaq 1-imi takutinneqarput 2016-imiit 2020-mut qaammat decembarimi meeqqanut tapiissutinik pisartut ukiumut akileraarutaassussatut isertitaat. 2020-mi decembarimi inunnut 3.591-inut meeqqanut tapiissuteqartoqarsimavoq.

2018-i aallarnerfigalungu tapiiffigineqartartut 0-130.000 kr.-nik akileraarutaassussanik isertitaqartussatut naatsorsuutigineqartut 40 pct.-it ataallugit annertussusilimmik appariarsimapput, 2017-imi siulianilu 50 pct.-inik appariarsimasut. Tamanna 2018-imi naatsorsueriaatsip nutaap atuutsinneqalerneranik peqquteqarpoq (ataani pineqartut takukkit).

Taamatuttaaq takuneqarsinnaavoq 2017-imi meeqqanut tapiissutigineqarsimasut tamakkerlugit 66 pct.-ii isertitakinnerpaanut tunniunneqarsimasut, 2018-imili tapiiffigineqarsimasut 49 pct.-inik appariarsimapput 2020-milu 46 pct.-inik appariaqqissimallutik.

Takussutissiaq 1. 2016-imiit 2020-mut qaammat decembarimi meeqqanut tapiissutinik pisartagalit, isertitat annertussusaat malillugit

		2016	2017	2018	2019	2020
Katillugit	Amerlassusaat	3.573	3.488	3.880	3.679	3.591
	Aningaasat annertussusaat (1.000 DKK)	3.091	3.019	3.439	3.417	3.311
0-130.000 kr	Amerlassusaat	1.814	1.812	1.468	1.463	1.352
	Aningaasat annertussusaat (1.000 DKK)	1.979	1.987	1.675	1.666	1.552
130.001-180.000 kr	Amerlassusaat	658	608	483	490	445
	Aningaasat annertussusaat (1.000 DKK)	558	518	550	566	497
180.001-280.000 kr	Amerlassusaat	1.101	1.068	975	949	966
	Aningaasat annertussusaat (1.000 DKK)	553	514	861	826	862
280.001+ kr	Amerlassusaat	0	0	954	777	828
	Aningaasat annertussusaat (1.000 DKK)	0	0	353	359	399

Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<https://bank.stat.gl/SONBT01>).
Meeqqanut tapiissutinik naatsorsueriaaseq 2018-imi allanngorpoq.

Isertitanut killigitat

Meeqqanut tapiissutit annertussusaat meeqqanut ataatsimut 18-it inorlugit ukiulimmut qaammammut aalajangersimasumik annertussuseqarpoq, ukiumilu isertitaqarfiusimasumi kingullermi innuttaasup akileraarutaasussatut isertitarisimasai tinngavigalugit kisinneqartarluni. Takussutissiaq 2-mi takutinneqarpoq 2013-imiit 2017-imut meeqqanut tapiissutinik pisartagallit isertitaannut killigitat kiisalu ukiumut meeqqanut tapiissutit tunniunneqarsimasut annertussusaat. 2013-imiit 2017-imut akileraarutaasussatut isertitat 280.000 kr.-uppata meeqqanut tapiissuteqartarneq atorunnaarsinneqarpoq. 2018-imiillu naatsorsuinnermi periaaseq nutaaq atulersinneqarpoq, tamannalu inoqutigiit isertitaat 130.000 kr.-uneranni meeqqanut tapiissutit 8.477 kr.-niit 1 kr.-nut annikillilerneqarnerannik kinguneqarpoq. Inoqutigiillu isertitaat 400.000 kr.-t tungaanut annertussuseqarpata meeqqanut tapiissutit minnerpaat tunniunneqassapput.

Takussutissiaq 2. 2013-imiit 2017-imut isertitanut killigitat ukiumullu meeqqanut tapiissutigineqartartut

Isertitanut killigitat	2013-imi ukiumut meeqqanut tapiissutit	2014-imiit 2017-imut ukiumut meeqqanut tapiissutit
Akileraarutaasussatut isertitat 0 kr.-130.000 kr.	7.637	8.477
Akileraarutaasussatut isertitat 130.001 kr.-180.000 kr.	5.163	5.731
Akileraarutaasussatut isertitat 180.001 kr.-280.000 kr.	2.870	3.186

Najoqqutaq: 2013-imiit 2017-imut Inatsisartut Aningaasanut Inatsisaat.

Takussutissiaq 3-mi takutinneqarput meeqqanut tapiissutinik pisartagallit ukiuinut agguanneri. Pisartagallit amerlanerpaartaat 18-it 29-llu akornanni ukioqarput. 2014-imiit 2017-imut qaammat decembarimi pineqartut 42 pct.-inik annertussuseqarsimapput, 2018-imiilli 2020-mut 38 pct.-inut apparsimallutik. Taakkununga tulluupput 30-t 39-llu akornanni ukiullit.

Takussutissiaq 3. 2016-imiit 2020-mut qaammat decembarimi meeqqanut tapiissutininik pisartagallit, ukiut aningaasallu annertussusaat malillugit

	2016	2017	2018	2019	2020
Amerlassusaat					
Katillugit	3.573	3.488	3.880	3.679	3.591
18-29-nik ukiullit	1.502	1.463	1.466	1.410	1.367
30-39-nik ukiullit	1.183	1.162	1.441	1.412	1.426
40-49-nik ukiullit	580	567	638	578	556
50-64-inik ukiullit	296	286	327	272	233
65-it qummullu	12	10	8	7	..
Aningaasat annertussusaat (1.000 DKK)					
Katillugit	3.091	3.019	3.439	3.417	3.311
18-29-nik ukiullit	1.247	1.202	1.209	1.207	1.184
30-39-nik ukiullit	1.228	1.199	1.540	1.553	1.506
40-49-nik ukiullit	424	434	476	492	471
50-64-inik ukiullit	186	179	209	162	145
65-it qummullu	7	5	4	3	..

Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<https://bank.stat.gl/SONBT01>).

Meeqqanut tapiissutininik naatsorsueriaaseq 2018-imi allanngorpoq.

2016-imiit 2020-mut qaammat decembarimi meeqqanut tapiissutininik pisartagallit takussutissiaq 4-rimi takutinneqarput. Meeqqanut tapiissuteqarfigineqartartut amerlanerpaat Kommuneqarfik Sermersuumiipput, Kalaallit Nunaanni kommunimi inuttunerpaami.

Takussutissiaq 4. 2016-imiit 2020-mut qaammat decembarimi meeqqanut tapiissutininik pisartagallit, kommunit malillugit

	2016	2017	2018	2019	2020
Amerlassusaat					
Nuna tamakkerlugu	3.573	3.488	3.880	3.679	3.591
Kommune Kujalleq	510	490	542	505	460
Kommuneqarfik Sermersooq	1.207	1.166	1.359	1.275	1.226
Qeqqata Kommunia	556	549	618	583	577
Kommune Qeqertalik	514	504	536	519	499
Avannaata Kommunia	786	779	825	797	829
Aningaasat annertussusaat (1.000 DKK)					
Nuna tamakkerlugu	3.091	3.019	3.439	3.417	3.311
Kommune Kujalleq	444	435	511	483	435
Kommuneqarfik Sermersooq	1.055	1.039	1.208	1.170	1.153
Qeqqata Kommunia	492	467	531	562	536
Kommune Qeqertalik	428	428	472	473	434
Avannaata Kommunia	672	650	717	730	752

Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<https://bank.stat.gl/SONBT01>).

Meeqqanut tapiissutininik naatsorsueriaaseq 2018-imi allanngorpoq.

Meeqqanut tapiissutininik pisartagallit ikinnerusut

Takussutissiaq 5-i malillugu 2020-mi qaammat decembarimi meeqqanut tapiissutininik pisartagallit 3.591-iupput. 2014-imiit 2017-imut pisartagallit

amerlassusaat ikiliartorsimapput, 2018-imili naatsorsueriaaseq nutaaq pissutigalungu 392-inik amerleriarsimallutik. 2019-imiit 2020-mut 289-inik ikilismapput. Taamaattumillu ikiliartorusaarnerat sulii ingerlavoq.

Takussutissiaq 5. 2016-imiit 2020-mut qaammat decembarimi meeqqanut tapiissutinik pisartagallit, pisartagalimmut ataatsimut meeqqanut amerlassusaat malillugit

	2016	2017	2018	2019	2020
Amerlassusaat					
Katillugit	3.573	3.488	3.880	3.679	3.591
Meeraq ataaseq	2.008	1.983	2.093	1.968	1.911
Meeqqat 2	944	942	1.093	1.039	1.038
Meeqqat 3-4	563	509	620	599	572
Meeqqat 5 qummullu	58	54	74	73	70
Aningaasat annertussusaat (1.000 DKK)					
Katillugit	3.091	3.019	3.439	3.417	3.311
Meeraq ataaseq	1.104	1.091	1.079	1.088	1.054
Meeqqat 2	988	979	1.066	1.081	1.072
Meeqqat 3-4	867	824	1.061	1.044	965
Meeqqat 5 qummullu	132	125	232	205	219

Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<https://bank.stat.gl/SONBT01>).

Meeqqanut tapiissutinik naatsorsueriaaseq 2018-imi allanngorpoq.

Inatsit tunngaviusoq

Ataani meeqqanut tapiiffiqineqarsinnaanermut inatsimmut tunngaviusut naatsumik nassuiarneqarput. Annertunerusumik paasisaqarnerorusuttut Isumaginninnermut, Ilaqutariinnermut, Naligiissitaanermut Inatsisinullu Atuutsitsinnermut Naalakkersuisoqarfiup nittartagaa www.naalakkersuisut.gl – imut innersuunneqarpoq, tassani isumaginninnermut inatsisinik atuuttunik nalunaarutinillu il.il. atuartoqarlunilu aallertoqarsinnaavoq.

Meeqqanut tapiissutit

Meeqqanut tapiissutinik pisartagaqarsinnaatitaanermi meeqqap 18-it inorlugit ukioqarnissaa aammalu pisartagaqarsinnaatitaasup tapiissutit tunniunneqarsinnaanerannut Kalaallit Nunaanni kommunini angerlarsimaffeqarnissaa inuillu allattorsimaffianni nalunaarsorsimanissaa piumasaqaataavoq, kiisalu:

- Meeraq imaluunniit pisartagaqarsinnaatitaasooq meeqqanut tapiissutit tunniunneqarsinnaanerannut qallunaatut innuttaassuseqarpat, imaluunniit ukiuni kingullerni Kalaallit Nunaanni najugaqarsimappat
- Meeraq pisortanit pilersorneqanngippat
- Meeraq aappaqarluni katissimanngippat

Meeqqanut tapiissutit annertussusaat ukiumi pineqartumi inatsisartut aningaasanut inatsisaanni aalajangerneqartarput, aammalu ukiumi kingullerni isertitat akileraarutaasussat inatsisartullu aningaasaqarnermut inatsisaanni isertitanut killigititat aalajangersakkat malillugit tunniunneqartarlutik.

Meeqqap angajoqqaani tamaasa najugaqatigippagit meeqqanut tapiissutit anaanaasumut tunniunneqartarput, angajoqqaat akornanni tapiissutit ataataasumut tunniunneqartarnissaannut isumaqatigiittoqarsimanngippat.

- Meeqqap angajoqqaami aappaannaa najugaqatigippagu tapiissutit angajoqqaamut najugaqarfigisaanut tunniunneqassapput
- Meeqqallu angajoqqaani assigiimmik paarlakaallugit najugaqarfigisarpagit tapiissutit angajoqqaamut meeqqap inuit allattorsimaffianni allatsiffigisimasaanut tunniunneqartarput¹

Meeqqanut tapiissutit Inatsisartut inatsisaat nr. 9 7. decembari 2009-meersoq meeqqanut tapiissutit pillugit 1. marsi 2010-mi atuutilersoq malillugu tunniunneqartarput.

Nalunaarsuutit tunngaviusut suliarinerilu

Meeqqanut tapiissutinut nalunaarsuutit tunngaviusut KIMIK IT A/S-imit tiguneqarput. Taamaattumi kisitsisit siornatigut saqqummiunneqareersimasunit annikitsumik nikingalaarsinnapput.

Uuttuutit atorineqartut

Nalunaarsuiffimmi uuttuutit atorineqartut pingaarnerit tassaapput:

- Tapiissutininik pisartagallip inuttut-normua
- Meeqqap inuttut-normua
- Isertitat
- Ulloq tapiissuteqarfik (ulloq, qaammat aamma ukioq)
- Tapiissutigineqartut annertussusaat (aningaasat koruuninngorlugit)

¹Isomaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik (2012). Vejledning om børnetilskud. Naalakkersuisut.

Kisitsisitigut paasissutissat aaqqissuunneri

Nalunaarsuutit tunngaviusut allaffissorluni nalunaarsuiffinninngaanneerput, kisitsisitigullu paasissutissiinermut atortussiatut ineriartortitaanatik, taamaattumillu nalunaarsuutit tunngaviusut suliareqqillugit misissorlugillu suliaapput.

Nalunaarsuutininik misissuineq

Meeqqanut tapiiffigineqartartut nalunaarsorsimasut tapiiffigitereernerup aammalu tapiissutinik utertitsereernerup kingorna, aaqqiisoqareerneraniluunniit tapiissutaasimasut amerlassusaat 0-lumiippata naatsorsuutini ilaatinneqanngillat. Kommunit naatsorsuutaannit aammalu kommunini tapiissutigineqarsimasunut naatsorsuutaannit uani saqqummersitami annikitsumik allaanerussuteqartoqarnera nalunaarsuutininik atorneqartunik misissuinerup takutippaa. Kommunit naatsorsuutaanni kisitsisinilu paasissutissani matumani qaammatini siuliini tapiissutigineqarsimasut ilaasinnaapput, assersuutigalungu meeqqanut tapiissuteqartoqareersimanerani akiliinerit.

Periaaseq

Kisitsisini paasissutissani matumani pineqartut tassaapput Naatsorsueqqissaartarfiup inunnik nalunaarsuiffiani inuit ukiup naanerani Kalaallit Nunaanni kommunini najugaqartutut allattorsimasut. Inuit nalunaarsuiffianni sumiiffimmi najugaqartutut allaqqasoq tassani najugaqartutut naatsorsuussaavoq, inuillu allattorsimaffianni sumiiffimmi najugaqartutut naatsorsorneqarsimaneq kommunit naatsorsuuserisarfianni allami najugaqartutut allaqqasinnaalluni.

2014-imiit 2017-imut meeqqanut tapiissutinik pisartagallit amerlassusaat tapiissutit tunniunneqartut amerlassusaat malillugit killileqqinneqarput. Qaammat decembarimi meeqqanut tapiissutigineqarsimasoq 239 kr.-nit minneruppat (2013-imi meeqqanut tapiissutigineqartartoq minnerpaaq) tapiiffigineqartoq naatsorsuutini ilanngunneqanngilaq.

2018-imiit 2020-mut pisartagallit tamakkerlugit misissukkat amerlassusaannut ilanngunneqarput. 2020 aallarnerfigalungu saqqummersitami naatsorsuutit paasissutissiarineqartut immikkoortiterner, programmilerinermi kukkunermik peqquteqartumik, allaanerulaarput. Taamaattoq pisartagallit katillugit amerlassusaat allannguuteqanngillat.

Ukiut

Ukiumi pineqartumi decembarip naanerani ukiorisat malillugit naatsorsorneqarput.

Meeqqat amerlassusaat

Meeqqat amerlassusaat ukiumi pineqartumi decembarip naanerani naatsorsorneqarput. Kisitsinermi kommunit naatsorsuuserisarfiinit tigusani meeqqanut tapiissutit tunniunneqartut ataasiakkaat, meeqqat inuttut-normuinut atassuserneqarsimasut malinneqarput.

Eqqumaffigisassat

Ilisimatitsissutigineqarpoq kommunit naatsorsuuseriviisa allattorsimaffii kukkuneqarsinnaammata.

Signaturforklaring:

... Oplysninger foreligger ikke
.. Oplysninger for usikre til at angives eller diskretionshensyn
. Tal kan efter sagens natur ikke forekomme
0 Mindre end halvdelen af den anvendte enhed
- Nul
* Foreløbigt eller anslået tal

Saaffiginniffissaq

Sune Steenskjold

E-mail: sust@stat.gl

Meeqqanut tapiissutit

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

